

कोई गाँव गोगला माय,  
मैया ए आधी शक्ति बिराजीया,  
कोई सारे भगता रा काज मैया ए,  
थाने तो खाती सिवरे,  
कोई जल भरती पनिहार मैया ए,  
आरन पर लौहार सिवरे,  
कोई आवे रे नर ओर नार मैया ए,  
सिवरे रे बेटो जाट रो,  
थाने निवन करे नर नार मैया ए,  
गाँव गोगला मायने,  
म्हारी आधी शक्ति मात मैया ए,  
थारी महिमा जोर री ॥

ए कोई पहाडा रे बीच मे आज,  
मन्दिर बनीयो जोर रो,  
थारी महिमा अपरंपार मैया ए,  
आधी शक्ति आप हो,  
कोई थे हो मोटा मात मैया ए,  
भेरू मनावा चोवटे थाने,  
सिवरा मै दिन ओर रात मैया ए,  
आधी शक्ति आपने,  
कोई निवन करे नर नार मैया ए,  
दर्शन दीजो आयने,  
थारा सेवक ऊबो द्वार मैया ए,  
सेवक ने दर्शन देवो ॥

ए कोई नवरात्रि रे माय मैया ए,  
ढोल नगाडा बाजता,  
कोई गरबे रमवा आय मैया ए,  
आधी शक्ति आप हो,  
कोई भगता री इतकार मैया ए,  
लाल चुनडीया लावसु ए,  
ओडो मोटी मात मैया ए,  
थारे तो कुंकुम लावसा मै,  
तिलक मोटी मात मैया ए,  
आधी शक्ति साम्भलो कोई,  
इन कलयुग रे माय मैया ए,  
सेवक ऊबा अरज करे ॥

ए कोई डाकन भूतन,  
निकल जाय मैया ए,  
रोगी तो निरोगी बने,  
परचो मोटो मात मैया ए,  
दवर प्रकाश जी अरज करे,  
थाने सुनो आधी शक्ति आप मैया ए,  
भगता रा कारज सारो,  
मै पुजुँ दिन ओर रात मैया ए,  
थारो कहिजे आसरो,  
मै आया थारे द्वार मैया ए,  
मोटी कहिजो मावडी रे म्हारी,  
आधी शक्ति मात मैया ए,  
सेवक ऊबा अरज करे ॥

ए कोई सिवरे दिन ने रात मैया ए,

आधी शक्ति पधार जो,  
कोई सेवक रे आंगन माय मैया ए,  
थारी तो सेवा करा,  
थाने पूजा दिन ओर रात मैया ए,  
एक घडी भूलू नही म्हारी,  
आधी शक्ति मात मैया ए,  
गाँव गोगला री मावडी,  
थारो सुन्दर बनीयो धाम मैया ए,  
मन री इच्छा पूरी करो,  
म्हारी गाँव गोगला री माय मैया ए,  
शरने थारे आवियो ॥

ए कोई पैदल आवे नर नार मैया ए,  
जयकारा गूजे जोर रा,  
कोई गाँव गोगला माय मैया ए,  
नाचे नर ओर नार ए,  
थारे आरतीया रे माय मैया ए,  
रविवार री आरती कोई,  
पूजा करूँ दिन रात मैया ए,  
सेवक री अरजी साम्भलो,  
मै दुखी खड़ा नर नार मैया ए,  
आधी शक्ति साम्भलो थाने,  
पूजा दिन ओर रात मैया ए,  
सेवक ऊबा अरज करे ॥

ए कोई दवर प्रकाश जी आज मैया ए,  
भगतो रा कारज सारे,  
थे धरीयो सिर पर हाथ मैया ए,

आधी शक्ति मावडी,  
थारो धाम है अपरम्पार मैया ए,  
श्याम पालीवाल गावतो,  
कोई गाँव गोगला माय मैया ए,  
म्हारे पर किरपा करो,  
थे राखो छत्तर छाव मैया ए,  
गाँव गोगला मायने,  
थारो सेवक करे अरदास मैया ए,  
सेवक री थे अरज सुनो ॥

कोई गाँव गोगला माय,  
मैया ए आधी शक्ति बिराजीया,  
कोई सारे भगता रा काज मैया ए,  
थाने तो खाती सिवरे,  
कोई जल भरती पनिहार मैया ए,  
आरन पर लौहार सिवरे,  
कोई आवे रे नर ओर नार मैया ए,  
सिवरे रे बेटो जाट रो,  
थाने निवन करे नर नार मैया ए,  
गाँव गोगला मायने,  
म्हारी आधी शक्ति मात मैया ए,  
थारी महिमा जोर री ॥

गायक श्याम पालीवाल जी ।  
प्रेषक मनीष सीरवी ।  
(रायपुर जिला पाली राजस्थान)  
9640557818

Source:

<https://www.bharattemples.com/koi-gaon-gogla-maay-maiya-aadishakti-birajiya/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>